





情采編卷之九

甬東屠本峻彙輯



七言古詩九 晚唐

李商隱

代贈

楊柳路盡處芙蓉湖上頭  
雖同錦步障獨映鈿  
筓篔簹鴛鴦可羨頭  
俱白飛去飛來烟雨秋

李羣玉

獨酌懷友



西風靜夜吹蓮塘芙蓉破紅金粉香摘花把酒  
弄秋芳吳雲楚水愁茫茫美人此夕不入夢獨  
宿高樓明月涼

裴說

寄邊衣

深閨乍冷開香篋玉筋微微濕紅頰一陣霜風  
殺柳條濃烟半夜成黃葉重重白練如霜雪獨  
下閑堦轉淒切祇知抱杵擣秋砧不覺高樓已  
無月時聞塞鴈聲相喚紗窻只有燈相伴幾展  
齊紈又懶裁離腸恐逐金刀斷細想儀形執刀  
尺回刀剪破澄江色愁捻銀針信手縫惆悵無  
人試寬窄時時舉袖勻殘淚紅箋謾有千行字  
書中不盡心中事一半殷勤托邊使

張泌

春曉謠

雨微微烟霏霏小庭半折紅薔薇細筆斜倚畫  
屏曲零落幾行金鴈飛蕭關夢斷無尋處萬疊  
春波起南浦凌亂楊花撲繡簾曉窻時有流鶯



語

温庭筠

蓮浦謠

鳴橈軋軋溪溶溶廢綠平烟吳苑東水清蓮媚  
兩相向鏡裡見愁愁更紅白馬金鞍大隄上西  
江日日多風浪荷心有露如驪珠不是真圓亦  
搖蕩

三洲歌

團圓莫作波中月潔白莫爲枝上雪月隨波動  
碎潏潏雪似梅花不堪折李娘十六青絲髮盡  
帶雙花爲君結門前有路輕別離惟恐歸來舊  
香滅

羅隱

江南行

江烟濕雨鮫鮓軟漠漠遠山眉黛淺水國多愁  
又有情夜槽壓酒銀船滿細柳搖烟疑曉空吳  
王臺榭春夢中鴛鴦鷓鴣喚不起平鋪綠水眠  
東風西陵路遠月悄悄油壁車輕蘇小小



李暇

紹古歌

秦王龍劍燕后琴珊瑚寶匣鏤雙心誰家女兒  
抱香枕開衾滅燭願侍寢瓊窻半上金縷幃輕  
羅隱面不障羞青綺幃中坐相憶紅羅鏡裡見  
愁色簷花照月鶯對棲空將可憐暗中啼

閩朝隱

採蓮女

採蓮女採蓮舟春日春江碧水流蓮衣承玉釧

蓮刺罨銀鈎薄暮歛容歌一曲氛氲香氣滿汀

洲

李叔卿

江南行

湖上女江南花無雙越女春浣紗風似箭月如  
弦少年吳兒曉進船郝家子弟謝家郎烏巾白  
袷紫香囊菱歌思欲絕楚舞斷人腸歌舞未終  
涕雙隕舊宮坡陀纜嶙隱西山暮雨過江來北  
渚春雲沿海盡渡口水流緩妾歸宵剩遲含情



爲君再理曲月華照出澄江時

張夫人

古意

轆轤曉轉素絲綆桐聲夜落蒼苔埽涓涓吹溜  
若時雨濯濯嘉疏非用天文人不解此中意抱  
甕當時徒自賢

拜新月

拜新月拜月出堂前暗魄深籠桂虛弓未引弦  
拜新月拜月粧樓上鸞鏡未安臺蛾眉已相向

拜新月拜月不勝情庭前風露清月臨人自老  
望月更長生東家阿母亦拜月一拜一悲聲斷  
絕昔年拜月逞容儀如今拜月雙淚垂回看衆  
女拜新月却憶閨中年少時

杜羔妻

雜言

君從淮海遊再過蘭杜秋歸來未須臾又欲向  
梁州梁州秦嶺西棧道與雲齊羗蠻萬餘落矛  
戟自高低已念寡儔侶復慮勞攀躋丈夫重志



情系絲卷三九  
氣兒女空悲啼臨叩滯遊地肯顧濁水泥人生  
賦命有厚薄君但遨遊我宋莫

郎大家宋氏

擬古神女宛轉歌

風已清月朗琴復鳴掩抑非千態殷勤是一聲  
歌宛轉宛轉和且長願爲雙黃鵠比翼共翱翔  
日已暮長簷鳥聲度望君君不來思君君不顧  
歌宛轉宛轉那能異栖宿願爲形與影出入恒  
相逐

鮑君微

惜春花

枝上花花下人可憐顏色俱青春昨日看花花  
灼灼今日看花花欲落不如盡此花下歡莫待  
春風總吹却鶯歌蝶舞媚韶光紅爐煮茗松花  
香妝成吟罷恣遊樂獨把芳枝歸洞房

程氏長文

銅雀臺怨

君王去後行人絕簫笳不響歌喉咽雄劍無威



光彩沉寶琴零落金星滅玉階  
宋莫隆秋露月照當時歌舞處  
當時歌舞人不迴化爲今日西  
陵灰

夷陵女子

明月歌

楊柳楊柳裊裊隨風急西樓美人  
春夢中翠簾斜捲千條入

劉雲

婕妤怨

君恩不可見妾豈如秋扇秋扇  
尚有時妾身永微賤莫言朝花  
不復落嬌容幾奪昭陽殿

劉珪瑤

古意曲

梧桐階下月團團洞房如水秋  
夜闌吳刀剪破機頭錦茱萸花  
墜相思枕綠窻宋莫背鐙時暗  
數寒更不成寢

暗別離

槐花結子桐葉焦單飛越鳥啼  
青霄翠軒輾雲



輕遥遥胭脂淚迸紅線條瑤草歇芳心耿耿玉  
佩無聲畫屏冷朱絃暗斷不見人風動花枝月  
中影青鸞脉脉西飛去海濶天高不知處

無名氏

蘇家

雙月謳誼輾秋碧細風斜掩神仙宅麥門冬長  
馬鬣青茱萸葢綻蠅頭赤流蘇斗帳懸高壁綵  
鳳盤龍繳香額堂內月娥橫剪波倚門腸斷蝦  
鬚隔

讀歌曲

打殺長鳴雞彈去烏桤鳥願得連冥不復曙一  
年都一曉

情采編卷二十九終



情采編三十卷



錢芳標生

明甬東

屠本峻

彙輯

七言律詩

全唐

劉希夷

以下初唐

江南曲

風流未減竹雨候臺下自出交支谷

北堂紅草盛丰茸南湖碧水照芙蓉朝遊暮起  
金花盡漸覺羅裳珠露濃自惜年華三五歲已  
嘆關山千萬重人情一去無還日欲贈懷芳恨  
不逢



上官儀

莫關詠画障

芳晨麗日桃花浦。珠簾翠帳鳳凰樓。蔡女菱歌移錦纜。燕姬春望上瓊鈎。新妝漏影浮輕扇。冶袖飄香入淺流。未減行雨荆臺下。自比凌波洛浦遊。

杜審言

春日京中有懷

今年遊寓獨遊身。愁思看春不當春。上林苑裡

花徒發。細柳營前葉漫新。公子南橋應盡興。將軍西第幾留賓。寄語洛城風月道。明年春色倍還人。

沈佺期

古意

盧家少婦鬱金香。海燕雙棲玳瑁梁。九月寒砧催下葉。十年征戍憶遼陽。白狼河北音書斷。丹鳳城南秋夜長。誰爲含愁獨不見。更教明月照流黃。



黃奉和春早幸望春宮應制

芳郊綠樹散春晴，複道離宮烟霧生。  
楊柳千條花欲綻，蒲桃百丈莠初縈。  
林香酒氣元相入，鳥嘯歌聲各自成。  
定是風光牽宿醉，來晨復得幸昆明。

和上巳連寒食有懷京洛

天津御柳碧遙遙，軒騎相從半下朝。  
行樂光輝寒食借，太平歌舞晚春饒。  
紅妝樓下東迴輦，青草洲邊南渡橋。  
坐見司空掃西第，看君侍從落

花朝

李义

侍宴安樂公主山莊應制

金輿玉輦背三條，水閣山樓望九霄。  
野外初迷七聖道，河邊忽覩二靈橋。  
懸流滴滴依虬箭，清吹泠泠雜鳳簫。  
向晚平陽歌舞合，前溪更轉木蘭橈。

蘇頌

春晚紫微省直寄內



直省清華接建章向來無事日猶長花間燕子  
棲鳩鵲竹下鷓鴣繞鳳皇內史通宵承紫誥中  
人落晚愛紅妝別離不慣無窮憶莫誤卿卿學  
太常公辭鳳蕭向知平州煇發合前美更轉不  
李邕西發必贈二靈齋題氣商商本

奉和初春幸太平公主南莊應制

沁園佳麗奪蓬瀛翠壁紅泉遶上京二聖忽從  
鑾殿幸雙仙正下鳳樓迎花含步輦空聞出櫺  
雜帷宮画裡成無路乘槎窺漢渚徒知訪上就

君平

孟浩然 以下盛唐

除夜有懷

五更鐘鼓欲相催四氣推遷往復迴帳裡殘燈  
纔有焰鑪中香氣盡成灰漸看春逼芙蓉枕頓  
覺寒銷竹葉杯守歲家家應不卧相思那得夢  
魂來

春晴

青樓曉日珠簾映紅粉春妝寶鏡催已厭交懽



憐枕席相將遊戲遶池臺坐時衣帶縈纖草行  
即裙裾掃落梅更道明朝不當作相期共鬪管  
絃來

萬楚

五日觀妓

西施謾道浣春紗碧玉今時鬪麗華眉黛奪將  
萱草色紅裙如殺石榴花新歌一曲令人艷醉  
舞雙眸歛髮斜誰道五絲能續命却令今日死  
君家

王維

勅借岐王九成宮避暑

帝子遠辭丹鳳闕天書遙借翠微宮隔窗雲霧  
生衣上捲幔山泉落鏡中林下水聲喧語笑簾  
前樹色隱房櫳仙家未必能勝此何事吹簫向  
碧空

早秋山中

無才不敢累明時思向東溪守故籬豈厭尚平  
婚嫁早却嫌陶令去官遲草間蟲響臨秋急山



情系緒卷三 八七言律 五  
裡蟬聲薄暮悲。宋莫柴門人不到。空林獨與白  
雲期。

杜甫

城西陂泛舟

青蛾皓齒在樓船。橫笛短簫悲遠天。春風自信  
牙檣動。遲日徐看錦纜牽。魚吹細浪搖歌扇。燕  
蹴飛花落舞筵。不有小舟能盪漿。百壺那送酒  
如泉。

吹笛

吹笛秋山風月清。誰家巧作斷腸聲。風飄律呂  
相和切。月傍關山幾處明。胡騎中宵堪北走。武  
陵一曲想南征。故園楊柳今搖落。何得愁中却  
盡生。

詠懷古跡

羣山萬壑赴荆門。生長明妃尚有村。一去紫臺  
連朔漠。獨留青塚向黃昏。画图省識春風面。環  
珮空歸月下魂。千歲琵琶作胡語。分明怨恨曲  
中論。



中篇暮歸

霜黃碧梧白鶴栖。城上擊柝復烏啼。客子入門  
月皎皎。誰家搗練風淒淒。南渡桂水闕舟楫。北  
歸秦川多鼓鞞。年過半百不稱意。明日看雲還  
杖藜。

送鄭十八虔貶台州司戶傷其臨老陷賊  
之故濶爲面別情見於詩

鄭公樗散髮如絲。酒後常稱老畫師。萬里傷心  
嚴譴日。百年垂死中興時。倉皇已就長途往。避  
逅無端出餞遲。便與先生應永訣。九重泉路盡  
交期。

見王監兵馬使說近山有白黑二鷹羅者  
久取竟未能得王以毛骨有異他鷹恐臘  
後春生騫飛避暖勁翮思秋之甚眇不可

見請余賦詩二首

雲飛玉立盡清秋。不惜竒毛恣遠遊。在野只教  
心力破。干人何事網羅求。一生自獵知無敵。百  
中爭能耻下鞫。鵬礙九天須却避。兔經三窟莫



深憂  
其二  
人回事  
黑鷹不省人間有度海疑從北極來正翮搏風  
超紫塞玄冬幾夜宿陽臺虞羅自覺虛施巧春  
雁同歸必見猜萬里寒空只思日金眸玉爪不  
凡材

張謂

春園家宴

南園春色正相宜少婦同行少女隨竹裡登樓  
人不見花間覓路鳥先知櫻桃解結垂簷子楊  
柳能低入戶枝山簡醉來歌一曲參差笑殺郢  
中兒

別韋郎中

星軺計日赴岷峨雲樹連天阻笑歌南入洞庭  
隨雁去西過巫峽聽猿多崢嶸洲上飛黃蝶灑  
瀕堆邊起白波不醉郎中桑落酒教人無奈別  
離何  
韋應物



送宮人入道

捨寵求仙畏色衰，辭天素面立天墀。  
金丹擬駐千年貌，寶鏡休勻八字眉。  
公主與收珠翠後，君王看戴角冠時。  
從來宮女皆相妒，說着瑤臺總淚垂。

劉長卿 以下中唐

中唐 歲日見新曆，因寄都官裴郎中

青陽振螿初，頒曆白首銜冤欲。  
問天絳老更能經幾歲，賈生何事又三年。  
愁占著草終難決，病

對椒花倍自憐。若道平分四時氣，南枝爲底發

春偏。

空日見故人李，均所借古鏡。恨其未獲歸府斯

前人已亡，愴然有作

故人留鏡無歸處，今日懷君試暫窺。  
歲久豈堪塵自入，夜長應待月相隨。  
空憐瓊樹曾臨匣，猶見菱花獨映池。  
所恨平生還不早，如今始挂隴頭枝。

送子婿崔真甫歸長城



送君卮酒不成歡，幼女辭家事。伯鸞桃葉宜，人  
誠可詠。柳枝如雪若為看，心憐稚齒鳴環去。身  
愧衰顏對玉難，惆悵暮帆何處落。青山無限水  
漫漫，人亦長歌寄尺牘。空齋更復會，歸日會  
將赴嶺外，留題蕭寺遠公院。  
竹房遙閉上方幽，苔徑蒼蒼訪昔遊。內史舊山  
空日暮，南朝古木向人秋。天香月色同僧室，葉  
落猿啼傍客舟。此去播遷明主意，白雲何事欲  
相留。

題靈佑和尚故居院

嘆逝翻悲有此身，禪房寂寞見流塵。六時行徑  
空秋草，幾日浮生哭故人。風竹自吟遙入磬，雨  
花垂淚共霑巾。殘經窻下依然在，憶得山中問  
許詢。

賦得

鶯啼燕語報新年，馬邑龍堆路幾千。家住層城  
臨漢苑，心隨明月到胡天。機中錦字論長恨，樓  
上花枝笑獨眠。爲問元戎甯車騎，何時返旆勒



燕然外天關外為問示女寧車何報燕然  
謝錢起少謝即且徑貼天謝中謝字謝身謝身

賞守長信宮謝平里昌謝謝謝謝謝謝謝謝

長信螢來一葉秋，蛾眉淚盡九重幽。  
鴉鵲觀前明月度，芙蓉闕下絳河流。  
鴛衾久別難為夢，鳳管遙聞更起愁。  
誰分昭陽夜，歌舞君王玉輦正淹留。

盧綸

長安病後秋夜即事

九重深鎖禁城秋，月過南宮漸映樓。  
紫陌夜深槐露滴，碧空雲盡火星流。  
清風刺骨傳三殿，甲第歌鐘樂五侯。  
楚客病來詩思苦，宋家燈下不勝愁。

司空曙

知日訓李端校書見贈

綠槐垂穗乳鳥飛，忽憶山中獨未歸。  
青鏡流年看髮變，白雲芳草與心違。  
乍逢酒客春遊慣，久別林僧夜坐稀。  
昨日聞君到城郭，莫將簪弁勝



荷衣

于鵠

醉後寄山中友人

昨日山家春酒濃，野人相勸久從容。  
獨憶卸冠眠細草，不知誰送出深松。  
都忘醉後逢廉度，不省歸時見魯恭。  
知己尚嫌身酪酊，路人應恐笑龍鐘。

送宮人入道

十五吹簫入漢宮，看修水殿種芙蓉。  
自傷白髮辭金屋，許著黃冠向雪峯。  
解語老猿開曉戶，學飛雛鶴落高松。  
定知別後宮中伴，遙聽緱山半夜鐘。

張籍

寒食內宴

城闕沉沉向曉寒，恩當冷節賜餘歡。  
瑞烟深處開三殿，香雨微時引百官。  
寶樹樓前分繡幙，綵花廊下映朱闌。  
宮筵戲樂年年別，已得三回對御看。



李商隱

楚宮

月姊曾逢下彩蟾，傾城消盡隔重簾。已聞珮響知腰細，更辨絃聲覺指纖。暮雨自歸山悄悄，秋河不動夜厭厭。王昌且在東牆住，未必金堂得免嫌。

深宮

金殿香銷閉綺籠，玉壺傳點咽銅龍。狂飈不惜蘿陰薄，清露偏知桂葉濃。斑竹嶺邊無限淚，景

陽宮裡及時鐘。豈知爲雨爲雲處，只有高唐十

二峰

隋宮守歲

消息東郊木帝迴，宮中行樂有新梅。沉香甲煎爲庭燎，玉液瓊酥作壽杯。遙望露盤疑是月，遠聞鼙鼓欲驚雷。昭陽第一傾城客，下踏金蓮不肯來。

碧城

碧城十二曲闌干，犀辟塵埃玉辟寒。閨苑有書



多附鶴女牆無樹不棲鸞星沉海底當窻見雨  
過河源隔坐看若是曉星明又定一生長對水  
晶盤

富平侯少年

七國三邊未到憂十三新襲富平侯不收金彈  
拋林外却惜銀牀在井頭綵樹轉鐙珠錯落繡  
檀回枕玉雕鏤當官莫報侵晨客新得佳人字  
莫愁

錦瑟

錦瑟無端五十絃一絃一柱思華年莊生曉夢  
迷蝴蝶望帝春心託杜鵑滄海月明珠有淚藍  
田日暖玉生烟此情可待成追憶祇是當時已  
惘然

項斯

以下晚唐

送宮人入道

願隨仙女董雙成王母前頭結伴行初戴玉冠  
多誤拜欲辭金殿別稱名將敲碧落新齋磬却  
進昭陽舊賜箏日暮焚香遶壇上步虛猶作按



詞聲

曹唐

劉晨阮肇遊天台

樹入天台石路新，雲和草靜迥無塵。  
烟霞不省生前事，水木空疑夢裡身。  
往往鷄鳴巖下月，時時犬吠洞中春。  
不知此地歸何處，須就桃源問主人。

劉阮洞中遇仙子

天和樹色靄蒼蒼，霞重嵐深路渺茫。  
雲竇竇滿山無鳥雀，水聲沿澗有笙簧。  
碧沙洞里乾坤別，紅樹枝頭日月長。  
願得花間有人出，免令仙犬吠劉郎。

仙子送劉阮出洞

殷勤相送出天台，仙境那能却再來。  
雲液既歸須強飲，玉書無事莫頻開。  
花當洞口應長在水，到人間定不迴。  
惆悵溪頭從此別，碧山明月照蒼苔。

仙子洞中有懷劉阮



不將清瑟理霓裳，塵夢那知鶴夢長。  
 洞裡有天春寂寂，人間無路月茫茫。  
 玉沙瑤草連溪碧，流水桃花滿澗香。  
 曉露風鐙易零落，此生無處問劉郎。

劉阮再到不復見仙子

再到天台訪玉真，青苔白石已成塵。  
 笙歌寂寞春空老，烟霭深澗雲鶴蕭條絕。  
 舊鄰草樹總非前，度色烟霞不似往年春。  
 桃花流水依然在，不見當時勸酒人。

玉女杜蘭香下嫁於張碩

天上人間兩渺茫，不知誰識杜蘭香。  
 來經玉樹三山遠，去隔銀河一水長。  
 怨入清塵愁錦瑟，酒傾玄露醉瑤觴。  
 遺情更說何珍重，劈破雲鬟金鳳凰。

張碩重寄杜蘭香

碧落香銷蘭露秋，星河無夢夜悠悠。  
 靈妃不降三清駕，仙鶴空成萬古愁。  
 皓月隔花追歎別，飛烟籠樹省淹留。  
 人間何事堪惆悵，海色西風十



二樓樹首雀留人間何事對西風

三青織女懷牽牛萬古愁却月團圓

北斗佳人雙淚流眼穿腸斷為牽牛封題錦字

疑新思拋擲金梭織舊愁桂樹三天烟漠漠銀

河一帶水悠悠欲將心向仙郎說借問榆花早

晚秋

蕭史携弄玉上昇

豈是丹臺歸路遙紫鸞烟駕不同飄一聲洛水

傳幽咽萬片宮花共索寒紅粉佳人愁未散清

華公子笑相邀緜山碧樹青樓月腸斷春風為

玉簫

皇初平將入金華山

莫道真遊烟景賒瀟湘有路入金華溪頭鶴樹

春常在洞口人家日未斜一水暗迴閒繞洞五

雲長往不還家白羊歲久難收拾弊盡溪頭巨

勝花

漢武帝思李夫人

惆悵朱顏不復歸晚秋黃葉滿天飛迎風細荇



傳香粉隔水殘霞見畫衣白玉帳寒鴛鴦夢絕紫  
陽宮遠雁書稀夜深池上蘭橈歇斷續歌聲徹  
太微

漢武帝將侯西王母下降

崑崙疑想最高峰王母來尋五色龍歌聽紫鸞  
猶縹緲語來青鳥許從容風迴水落三清月漏  
苦霜傳五夜鐘樹影悠悠花悄悄若聞簫管是  
行蹤

漢武帝於宮中宴王母

鰲岫雲低太乙壇武皇齋潔不勝歡長生碧宇  
期親署延壽丹泉許細看劍佩有聲宮樹靜星  
河無影禁花寒秋風裊裊月朗朗玉女清歌一  
夜闌

萼綠華將歸九疑留別許真人

九點秋烟黛色空綠華歸思頗無窮每悲馭鶴  
身難住長恨臨霞語未終河影暗吹雲夢月花  
聲閒落洞庭風藍絲玉勒金條脫留與人間許  
侍中



李群玉

黃陵廟

小姑洲北浦雲邊，二女明妝共儼然。  
野廟向江春寂寂，古碑無字草芊芊。  
東風近，暮吹芳芷落，日深山哭杜鵑。  
猶似含嚔望，巡狩九疑如黛隔。  
湘川

劉滄

寄遠

西園楊柳暗驚秋，寶瑟先絃結遠愁。  
霜落雁聲來紫塞，月明人夢在青樓。  
蕙心迢遞湘雲暮，蘭思縈迴楚水流。  
錦字織成添別恨，關山萬里路悠悠。

秋日山齋即事

衡門無事閉蒼苔，籬下蕭疎野菊開。  
半夜秋風江色動，滿山寒葉雨聲來。  
雁飛關塞霜初落，書寄鄉山客未迴。  
獨坐高窻此時節，一彈瑤瑟自成哀。

韋莊



憶昔

昔年曾向五陵遊，午夜清歌月滿樓。  
銀燭樹前長似畫，露桃花下不知秋。  
西園公子名無忌，南國佳人字莫愁。  
今日亂離俱是夢，夕陽唯見水東流。

張諤

九月九日

秋來林下不知春，一種佳遊事已均。  
絳草從朝飛着夜，黃花開日未成旬。  
將曛陌樹頻驚馬，半醉歸途數問人。  
城外登高併九日，茱萸丸作幾年新。

袁不約

長安夜遊

鳳城連夜九門通，帝女皇妃出漢宮。  
千乘寶車珠箔捲，萬條銀燭碧紗籠。  
歌聲緩過青樓月，香氣潛來紫陌風。  
長樂曉鐘歸騎後，遺簪落翠滿街中。



情采編卷三十終

情采編卷三十一

梁武帝

七言絕句一

梁陳後魏

白紵詞二首

今詞文

朱絲玉柱羅象筵，飛瑄促節舞少年。  
短歌流目未肯前，含笑一轉私自憐。

其二

怨獨

纖腰嫋嫋不任衣，嬌鴛柱立特為誰。  
赴曲君前



未忍歸上聲急調中心飛

元帝二

烏棲曲五首

幄中清酒瑪瑙鐘裙邊雜佩琥珀龍虛持寄君  
心不惜共指三星今何夕

其二

沙棠作船桂為楫夜渡江南採蓮葉復值西施  
新浣紗共向江干眺月華

其三

月華似壁星如珮流影澄明玉堂內邶邶九枝  
朝始成金卮玉盃共君傾

其四

交龍成錦闥鳳紋芙蓉為帶石榴裙目下城南  
兩相望月沒參橫掩羅帳

其五

七彩隋珠九華玉蛺蝶為歌明星曲蘭房椒閣  
夜方開那知步步香風逐

春別應令三首



昆明夜月光如練，上林朝花色如霞。  
花朝月夜動春心，誰恐相思不相見。

其二

門前楊柳亂如絲，直置佳人不自持。  
適言新作裂紈詩，誰悟今成織素辭。

其三

日暮徒倚渭橋西，正見流月與雲齊。  
若使月光無近遠，應照離人今夜啼。

簡文帝

烏棲曲四首

芙蓉作船絲作紵，北斗橫天月將落。  
採蓮渡頭得黃河，郎今欲渡畏風波。

其二

浮雲似帳月如鉤，那能夜夜南陌頭。  
宜城投泊今行熟，停鞍繫馬暫栖宿。

其三

青牛丹轂七香車，可憐今夜宿倡家。  
倡家高樹烏欲棲，羅幃翠帳任君低。



其四

織成屏風金屈膝朱唇玉面  
鐙前出相看氣息望君憐  
誰能含羞不自前

和蕭侍中子顯春別三首

別親葡萄帶實垂江南豆蔻生連枝  
無情無意猶如此有心有恨徒自知

其二

可憐淮水去來潮春隄楊柳覆河橋  
淚痕未燥詎終朝行聞玉佩已相要

其三

桃紅李白若朝妝羞得顛顛比新楊  
不惜暫往君前死愁無西國更生香

夜望單飛雁

天霜河白夜星稀一雁聲高何處歸  
早知半路相應失不似從來本獨飛

張率

白紵歌二首

夜寒湛湛夜未央華燈空爛月懸光  
從風衣起



發芬香爲君起舞幸不忘

其二

列坐華筵紛羽爵清曲未終月將落歌舞及時  
酒常酌無令朝露坐銷鑠

天沈約

春日白紵曲

蘭葉參差桃半紅飛芳舞縠戲春風翡翠羣飛  
飛不息願在人間長比翼

秋日白紵曲

白露欲凝草色黃金瑄玉柱響洞房雙心一影  
俱迴翔吐情寄君君莫忘

蕭子顯

春別三首

翻鶯度燕雙比翼楊柳千條共一色但看陌上  
携手歸誰能對此空相憶

其二

江東大道日華春垂楊桂柳掃輕塵淇水昨送  
淚霑巾紅妝宿昔已應新



其三

樹悲攬涕別心知，桃花李花任風吹。本知人心不似樹，何意人別似花離。

烏棲曲二首

濃黛輕紅點花色，還欲令人不相識。金壺夜永誰能過，莫待賒用比懸河。

其二

芳樹歸飛聚儔匹，猶有殘光半山日。莫憚寒裳不相求，漢皋游女習風流。

陳後主

烏棲曲三首

陌頭新花歷亂生，葉裏春鳥送春情。長安遊俠無數伴，白馬驪珂路中滿。

其二

金鞍向暝欲相連，玉面俱要來帳前。含態眠語懸相望，翠帶羅裙入為鮮。

其三

合歡襦薰百和香，床中被織兩鴛鴦。烏啼漢沒



天應曙只持懷抱送郎去

徐陵三

烏棲曲二首

卓女紅妝期此夜。胡姬沽酒誰論價。風流荀令好兒郎。偏能傅粉復薰香。

其二

繡帳羅帷隱燈燭。一夜千年猶不足。唯憎無賴汝南雞。天河未落猶爭啼。

後魏魏收

挾琴歌

春風宛轉入曲房。兼送小苑百花香。白馬金鞍去未返。紅妝玉箸不成行。

情采編卷三十終

情采編卷三十終



情采編卷三十二

甲文影雜論熱分南東屠本峻不彙輯

七言絕句二

盛唐

王勃宴安樂公

東六寒夜二首

北山烟霧始茫茫南津霜月正蒼蒼秋深客思  
紛無已復值征鴻東夜起

對其二

齊

複閣重樓向浦開秋風明月渡江來故人故情



懷散宴相望相思不相見  
月對玉來文  
詩

杜審言 初唐

無戲贈趙使君  
美太賦

紅粉青娥映楚雲  
桃花馬止石榴裙  
羅敷獨向東方去  
謾學他家作使君

王夜宴安樂公主宅

濯龍門外主家親  
鳴鳳樓中天上人  
自有金盃迎甲夜  
還將綺席代陽春

晉沈佺期 三十二

春晚太平公主小樓

主家天上鳳樓人  
傳得仙音到客新  
未省落梅和折柳  
風吹散作萬家春

宋之問

苑中遇雪 前題

紫禁仙輿詰旦來  
青旂遙倚望春臺  
不知庭霰今朝落  
疑是林花昨夜開

李適 山詩

夜宴安樂公主宅 詩



銀河半倚鳳凰臺玉酒相傳鸚鵡杯若見君平  
須借問仙槎一去幾時來

今讀錢唐求昌

聞道飛鳧向洛陽翩翩矯翮度文昌因聲寄意  
三花樹少室巖前幾過香

崔湜

元夕觀燈四首

玉漏銀壺且莫催鐵關金鎖徹明開誰家見月  
能閒坐何處聞鐙不看來

其二

金勒銀鞍控紫騮玉輪朱幘駕青牛驂驪始散  
東城曲倏忽還逢南陌頭

其三

公子王孫意氣驕不論相識也相邀最憐長袖  
風前弱更賞新絃暗裏調

其四

星移漢轉月將微露灑烟飄燈漸稀猶惜道傍  
歌舞處踟躕相顧不能歸



馬懷素

宴安樂公主新宅

鳳樓窈窕凌三襲，翠幌玲瓏瞰九衢。  
復道中宵留宴賞，彌令上客想踟躕。

張說

十五夜御前踏歌詞二首

華萼樓前雨露新，長安城裡太平人。  
龍銜火樹千燈艷，鷄上蓮花萬歲春。

其二

帝宮三五戲春臺，行雨流風莫妒來。  
西域鎧輪千影合，東華金闕萬重開。

賀知章

回鄉偶書

少小離鄉老大回，鄉音無改鬢毛衰。  
兒童相見不相識，笑問客從何處來。

王翰

涼州詞

蒲桃美酒夜光杯，欲飲琵琶馬上催。  
醉臥沙場



君莫笑古來征戰幾人回

李白

橫江詞

橫江館前津吏迎向余東指海雲生  
郎今欲渡緣何事如此風波不可行

清平調詞三首

雲想衣裳花想容春風拂檻露華濃  
若非群玉山頭見會向瑤臺月下逢

其二

一枝濃艷露凝香雲雨巫山枉斷腸  
借問漢宮誰得似可憐飛燕倚新妝

其三

名花傾國兩相歡長得君王帶笑看  
解釋春風無限恨沉香亭北倚闌干

少年行

五陵年少金市東銀鞍白馬度春風  
落花踏盡遊何處笑入胡姬酒肆中

客中行

青采編卷三十一



蘭陵美酒鬱金香，玉盃盛來琥珀光。但使主人能醉客，不知何處是他鄉。

峨嵋山月歌

峨嵋山月半輪秋，影入平羌江水流。夜發清溪向三峽，思君不見下渝州。

巴陵贈賈舍人

賈生西望憶京華，湘浦南遷莫怨嗟。聖主恩深漢文帝，憐君不遣到長沙。

陪族叔刑部侍郎曄中書舍人賈至遊洞庭

南湖秋水夜無烟，耐可乘流直上天。且就洞庭賒月色，將船買酒白雲邊。

其二

洞庭湖西秋月輝，瀟湘江北早鴻飛。醉客滿船歌白苧，不知霜露濕秋衣。

吳王美人半醉

風動荷花水殿香，姑蘇臺上宴吳王。西施醉舞嬌無力，笑倚東窻白玉床。

南流夜郎寄內

南流夜郎寄內



夜郎天外怨離居，明月樓中音信疎。  
北雁春歸看欲盡，南來不得豫章書。

王昌齡

西宮春怨

西宮夜靜百花香，欲捲珠簾春恨長。  
斜抱雲和深見月，朧朧樹色隱昭陽。

西宮秋怨

芙蓉不及美人妝，水殿風來珠翠香。  
却恨含情掩秋扇，空懸明月待君王。  
長信秋詞  
奉帚平明金殿開，且將團扇暫徘徊。  
玉顏不及寒鴉色，猶帶昭陽日影來。

采蓮曲二首

荷葉羅裙一色裁，芙蓉向臉兩邊開。  
亂入池中看不见，聞歌始覺有人來。

其二

吳姬越艷楚王妃，爭弄蓮花水濕衣。  
來時浦口花迎入，采罷江頭月送歸。



蘇武從軍行二首

琵琶起舞換新聲，總是關山離別情。  
撩亂邊愁聽不盡，高高秋月照長城。

香不其已，海故賢者入來。

秦時明月漢時關，萬里長征人未還。  
但使龍城飛將在，不教胡馬度陰山。

寒野蕭駙馬花燭日，深來。

青鸞飛入合歡宮，紫鳳銜花出禁中。  
可憐今夜千門裏，銀漢星回一道通。

龍標野宴

沅溪夏晚足涼風，春酒相携就竹叢。  
莫道絃歌愁遠謫，青山明月不曾空。

送柴侍御

沅水通流接武岡，送君不覺有離傷。  
青山一道同雲雨，明月何曾是兩鄉。

重別李評事

莫道秋江離別難，舟船明日是長安。  
吳姬緩舞留君醉，隨意清楓白露寒。



留得青樓怨 青風白露寒

香幃風動花入樓 高調鳴箏緩夜愁 腸斷關山  
不解說 依依殘月下 簾鉤

同王維 即日回會長兩

少年行二首

新豐美酒斗十千 咸陽遊俠多少年 相逢意氣  
爲君飲 繫馬高樓垂柳邊

其二

出身仕漢羽林郎 初隨驃騎戰漁陽 孰知不向  
邊庭苦 縱死猶聞俠骨香

送沈子福之江東

楊柳渡頭行客稀 罟師盪槳向臨圻 惟有相思  
似春色 江南江北送君歸

與盧員外象過崔處士興宗林亭

綠樹重陰蓋四隣 青苔日厚自無塵 科頭箕踞  
長松下 白眼看他世上人

送元二使安西

渭城朝雨裊輕塵 客舍青青柳色新 勸君更盡



一杯酒西出陽關無故人  
賈至 示二弟 送西

春思二首

草色青青柳色黃  
桃花歷亂李花香  
東風不爲吹愁去  
春日偏能惹恨長

其二

紅粉當壚弱柳垂  
金花醵酒解酴醪  
笙歌日暮能留客  
醉殺長安輕薄兒

巴陵夜別王八員外

柳絮飛時別洛陽  
梅花發後在三湘  
世情已逐浮雲散  
離恨空隨江水長

岳陽樓重宴別王八員外 貶長沙

江路東連千里潮  
青雲北望紫微遙  
莫道巴陵湖水濶  
長沙南畔更蕭條

送南給事貶崖州

疇昔丹墀與鳳池  
即今相見兩相悲  
朱崖雲裏三千里  
欲別俱爲慟哭時

岑參



原頭送范侍御

百尺原頭酒色殷，路傍驄馬汗斑斑。  
別君只有相思夢，遮莫千山與萬山。

春夢

洞房昨夜春風起，遙憶美人湘江水。  
枕上片時春夢中，行盡江南數千里。

苜蓿峰寄家人

苜蓿峰邊逢立春，胡蘆河上淚霑巾。  
閨中只是空相憶，不見沙場愁殺人。

儲光羲

同金壇令武平一遊湖三首

朝來仙閣聽絃歌，暝入花庭見綺羅。  
池邊命酒憐風月，浦口回船憶芰荷。

其二

朦朧竹影蔽巖扉，淡蕩荷風飄舞衣。  
舟尋淥水宵將半，月隱青林人未歸。

其三

花潭竹嶼傍幽蹊，回棹浮空入夜溪。  
芰荷覆水



船難進歌舞留人月易低

· 常建

送宇文六

花映垂楊漢水清  
微風林裡一枝輕  
即今江北還如此  
愁殺江南離別情

塞下

鐵馬胡裘出漢營  
分麾百道救龍城  
左賢未遁旌竿折  
過在將軍不在兵

崔國輔

九日

江邊楓落菊花黃  
少長登高一望鄉  
九日陶家雖載酒  
三年楚客已霑裳

張謂

題長安主人壁

世人結交須黃金  
黃金不多交不深  
縱令然諾暫相許  
終是悠悠行路心

· 王 送人使河源

故人行役向邊州  
匹馬今朝不少留  
長路關山



何日盡滿堂絲竹爲君愁

王之渙

涼州詞

黃河遠上白雲間。一片孤城萬仞山。羌笛何須怨楊柳。春光不度玉門關。

沈頌

衛中作

衛風愉艷宜春色。淇水清冷增暮愁。縱使榴花能一醉。終須萱草暫忘憂。

平

送別荆南張判官

輜車駱馬往從誰。夢浦蘭臺日更遲。欲識桃花最多處。前程問取武陵兒。

張潮

采蓮詞二首

朝出沙頭日正紅。晚來雲起半江中。賴逢隣女曾相識。竝著蓮舟不畏風。

江南行



茨菰葉爛別西灣蓮子花開猶未還妾夢不離  
江上水人傳郎在鳳凰山

元結

欸乃曲二首

千里楓林烟雨深無朝無暮有猿吟停橈靜聽  
曲中意好是雲山韶濩音

其二

湘江三月春水平滿月和風宜夜行唱橈欲過  
平陽戍守吏相呼問姓名

韋應物

登寶意寺上方舊遊

翠嶺香臺出半天萬家烟樹滿前川諸僧近住  
不相識坐聽微鐘記往年

情采編卷三十二終



情采編卷三十三

甬東屠本峻彙輯

七言絕句三 中唐

劉長卿

尋盛禪師蘭若

秋草黃花覆古阡，隔林何處起人烟。  
山僧獨在 山中老，唯有寒松見少年。

七里灘送嚴維

秋江渺渺水空波，越客孤舟欲傍歌。  
手折衰楊



悲老大故人零落已無多

重送裴郎中貶吉州

猿啼客散莫江頭人自傷心水自流同作逐臣  
君更遠青山萬里一孤舟

送李判官之潤州行營

萬里辭家事鼓鼙金陵驛路楚雲西江春不肯  
留行客草色青青送馬蹄

錢起

歸雁

瀟湘何事等閒回水碧沙明兩岸苔二十五絃  
彈夜月不勝清怨却飛來

題禮上人壁畫山水

連山画出映禪扉粉壁香筵滿翠微坐來鑪氣  
縈空散共指晴雲向嶺歸

皇甫冉

送陸澧郭郎

纔見吳洲百草春已聞燕雁一聲新秋風何處  
催年急偏逐山行水宿人



韓翃

江南曲

長樂花枝雨點銷，江城日暮好相邀。  
青樓不閉葳蕤鎖，綠水迴通宛轉橋。

看調馬

鴛鴦楮白齒新齊，晚日花間散碧蹄。  
玉勒斗迴初噴沫，金鞭欲下不成嘶。

贈張千牛

蓬萊闕下是天家，上路新迴白鼻騮。  
急管畫催

平樂酒春衣，夜宿杜陵花。

宿石巴山中

浮雲不共此山齊，山靄蒼蒼望轉迷。  
曉月暫飛千樹裡，秋河隔在數峰西。

盧綸

曲江春望二首

菖蒲翻葉柳交枝，暗上蓮舟鳥不知。  
更到蘆花最深處，玉樓金殿影參差。

其二



情類編卷三十一  
翠黛黑紅妝回鷓中、共驚雲色帶微風、簫管曲長  
吹未盡、花南花北雨濛濛

王評事駙馬花燭詩三首

萬條銀燭引天人、十月長安半夜春、步障三千  
隘將斷、幾多珠翠落香塵

其二

一人女婿萬人憐、一夜調踈抵百年、爲報司徒  
好將息、明珠解轉又能圓

其三

比翼和鳴雙鳳凰、欲棲金帳滿城香、平明却入  
天泉裡、日氣曈曨五色光

村南逢病叟

雙膝過頤頂在肩、四隣知姓不知年、臥驅烏雀  
惜禾黍、猶恐諸孫無社錢

古艷詩

殘妝色淺髻鬟開、笑映珠簾覩客來、推醉唯知  
弄花鈿、潘郎不敢使人催

偶逢姚校書、憑附書達河南、郟推官、因以



戲贈

寄書常切到常遲，今日憑君莫寄辭。  
若問玉人殊易識，蓮花府裡最清羸。

河中府崇福寺看花

聞道山花如火紅，平明登寺已經風。  
老僧無見亦無說，應與看人心不同。

賊平與嚴越卿曲江看花

紅枝欲折紫枝殷，隔水連宮不用攀。  
會待長風吹落盡，始能開眼向青山。

劉方平

棲鳥曲二首

回舸雙艚錦為纜，芙蓉花發蓮葉暗。  
門前月色映橫塘，感郎中夜度瀟湘。

其二

蛾眉曼臉傾城國，鳴環動佩空相識。  
銀漢斜臨白玉堂，芙蓉行障掩燈光。

春怨二首

紗窗日落漸黃昏，金屋無人見淚痕。  
寂寞空庭



春欲晚梨花滿地不關門

其二

朝日殘鶯伴妾啼開簾只見草萋萋庭前時有  
東風入楊柳千條盡向西

夜月

更深月色半人家北斗闌干南斗斜今夜徧知  
春色暖蟲聲新透綠窻紗

郎士元

栢林寺南望

溪舍遙聞精舍鐘泊舟微逕度深松青山霽後  
雲猶在盡出東南四五峰

司空曙

送鄭錫

漢陽雲樹情無極蜀國風煙思不堪莫恠別君  
偏有淚十年曾事晉征南

江村即事

罷釣歸來不繫船江村月落正堪眠縱然一夜  
風吹去只在蘆花淺水邊



風、如、峽、口、送、友

峽口花飛欲盡，春天涯去住。淚霑巾來時，萬里同爲客。今日翻成送故人。

李端

送劉侍郎

幾人同入謝宣城，未及酬恩隔死生。唯有夜猿知客恨，嶧陽溪路第三聲。

江上送客

故人南去漢江陰，秋雨瀟瀟夢澤深。江上見人

應下淚，由來遠客易傷心。

耿緯

古意

雖言千騎上頭居，一世生離恨有餘。葉下綺窻銀燭冷，含啼自草錦中書。

馬戴

出塞

金帶連環束戰袍，馬頭衝雪度臨洮。卷旗夜劫單于帳，亂斬胡兵缺寶刀。



情類卷三  
七言絕句  
單顧况

桃花曲

魏帝宮人舞鳳樓  
隋家天子泛龍舟  
君王夜醉春眠晏  
不覺桃花逐水流

王郎中席歌妓

柳拂青樓花滿衣  
能歌死轉世應稀  
空中幾處聞清響  
欲遶行雲不遣飛

憶故園

惆悵多山人復稀  
杜鵑啼處淚霑衣  
故園此去

千餘里春夢猶能夜夜歸

題葉道士小房

水邊楊柳赤欄橋  
洞裡神仙碧玉簫  
近得麻姑書信否  
潯陽江上不通潮

戎昱

采蓮曲

潯陽女兒花滿頭  
毵毵同泛木蘭舟  
秋風日暮南湖裏  
爭唱菱歌不肯休

旅次寄湖南張郎中

青



寒江近戶漫流聲竹影當窻亂月明歸夢不知  
湖水濶夜來還到洛陽城

征人歸鄉

三月江城柳絮飛五年留客送人歸故將別泪  
和鄉泪今日闌干濕汝衣

宋濟

東隣美女歌

花暖江城斜日陰鶯啼繡戶晚雲深春風不道  
珠簾隔傳得歌聲與客心

劉商

白沙宿寶常宅觀妓

楊子澄江映晚霞柳條垂岸一千家主人留客  
江邊宿十月繁霜見杏花

醉後

春月秋風老此身一瓢長醉任家貧醒來還愛  
浮萍草漂寄官河不屬人

朱放

送溫台州



渺渺天涯君去時，浮雲流水自相隨。人生一世長如客，何必今朝是別離。

戴叔倫

春月湘南即事

盧橘花開楓葉衰，出門何處望京師。沅湘日夜東流去，不為愁人住少時。

宿灌陽灘

十月江邊蘆葉飛，灌陽灘冷上舟遲。今朝未遇高風便，還與沙鷗宿水湄。

李益

宮怨

露濕晴花春殿香，月明歌吹在昭陽。似將海水添宮漏，共滴長門一夜長。

拂雲堆

漢將新從虜地來，旌旗半上拂雲堆。單于馬向沙場獵，南望陰山哭始回。

上汝州郡樓

黃昏鼓角似邊州，三十年前上此樓。今日山川



對垂淚傷心不獨爲悲秋

春夜聞笛

寒山吹笛喚春歸  
遷客相看淚滿衣  
洞庭一夜無窮雁  
不待天明盡北飛

張籍

涼州詞

鳳林關裡水東流  
白草黃榆六十秋  
邊將皆承主恩澤  
無人解道取涼州

華清宮

溫泉流入漢離宮  
宮樹行行浴殿空  
武帝時人今欲盡  
青山空閉御牆中

寄李渤

五度溪頭躑躅紅  
嵩陽寺裡講時鐘  
春山處處行應好  
一月看花到幾峰

王涯

宮詞

禁門烟起紫沉沉  
樓閣當中複道深  
長到莫天疑不散  
掖庭宮裡動秋砧



秋夜曲

桂魄初生秋露微  
輕羅已薄未更衣  
銀箏夜久殷勤弄  
心怯空房不忍歸

情采編卷三十三終

情采編卷三十四

甬東屠本峻彙輯

七言絕句四 中唐下

劉禹錫

蹋歌詞四首

春江月出大堤平  
隄上女郎連袂行  
唱盡新詞歡不見  
紅霞映樹鷓鴣鳴

其二

柝溪柳陌好經過  
燈下妝成月下歌  
為是襄王



故宮地至今猶自細腰多

其三

新詞宛轉遞相傳振袖輕鬟風露前月落烏啼  
雲雨散遊童陌下拾花鈿

其四

日暮江頭聞竹枝南人行樂北人悲自從雪裡  
唱新曲直至三春花盡時

堤上行二首

酒旗相望大隄頭隄下連檣隄上樓日暮行人

爭渡急槳聲幽軋滿中流

其二

江南江北望烟波入夜行人相應歌桃葉傳情  
竹枝怨水流無限月明多

竹枝詞四首

白帝城頭春草生白鹽山下蜀江清南人上來  
歌一曲北人莫上動鄉情

其二

瞿唐嘈嘈十二灘此中道路古來難長恨人心



不如水等閒平地起波瀾

其三

山上層層桃李花，雲間烟火是人家。  
銀釧金釵來負水，長刀短笠去燒畬。

其四

山桃紅花滿上頭，蜀江春水拍山流。  
花紅易衰似郎意，水流無限似儂愁。

楊柳枝詞三首

花萼樓前初動時，美人樓上聞腰肢。  
如今拋擲

長街裡，露葉如啼欲恨誰。

其二

城外春風吹酒旗，行人揮袂日西時。  
長安陌上無窮樹，惟有垂楊管別離。

其三

清江一曲柳千條，二十年前舊板橋。  
自與情人橋上別，更無消息到今朝。

浪淘沙詞四首

濯錦江邊兩岸花，春風吹浪正淘沙。  
女郎剪下



鴛鴦錦將向中流正晚霞

其二

日照澄洲江霧開  
淘金女伴滿江隈  
美人首飾侯王印  
盡是沙中浪底來

其三

九曲黃河萬里沙  
浪淘風簸自天涯  
如今直上銀河去  
同到牽牛織女家

其四

洛水橋邊春日斜  
碧流清淺見瓊沙  
無端陌上狂風急  
驚起鴛鴦出浪花

洛中送韓七中丞之吳興口號

今朝無意送離杯  
何況清絃急管催  
本欲醉中輕遠別  
不知翻引酒杯來

春詞

新妝粉面下朱樓  
深鎖春光一院愁  
行到中庭數花朵  
蜻蜓飛上玉搔頭

王建

唐昌觀玉蕊花



一樹龍蔥玉刺成，飄廊點地色輕輕。  
女冠夜覓香來處，唯見階前碎月明。

宮詞十二首

蓬萊正殿壓金鰲，紅日初生碧海濤。  
開着五門遙北望，柘黃新帕御床高。

其二

千牛仗下放朝初，玉案傍邊立起居。  
每日進來金鳳紙，殿頭無事不多書。

其三

新衫一樣殿頭黃，銀帶排方獺尾長。  
總把金鞭騎御馬，綠鬃紅額麝香香。

其四

羅衫葉葉繡重重，金鳳銀鵝各一叢。  
每遍舞時分兩向，太平萬歲字當中。

其五

新秋白兔大如拳，紅耳霜毛趁草眠。  
天子不教人射殺，玉鞭遮到馬蹄前。

其六



情類編卷三十四  
五言絕句  
五  
競渡船頭掉綵旗兩邊濺水濕羅衣池東爭向池西岸先到先書上字歸

其七

紅蠻捍撥帖胸前移坐當頭近御筵用力獨彈金殿響鳳凰飛下四條絃

其八

雲駁花驄各試行一般毛色一般纓殿前來往重騎過欲得君王別賜名

其九

風簾水閣壓芙蓉四面鈎闌在水中避熱不歸金殿宿秋河織女夜妝紅

其十

內人相續報花開准擬君王便看來絳着五絃琴繡袋宜春院裡按歌回

其十一

銀燭秋光冷回屏輕羅小扇撲流螢天街夜色涼如水卧看牽牛織女星

其十二



日映西陵松栢枝下臺相顧一相悲朝來樂府  
傳新曲唱着君王自作詞

夜看楊州市

夜市千燈照碧雲高樓紅袖客紛紛如今不似  
時平日猶自笙歌徹曉聞

古宮怨

亂鳥啞啞飛復啼宮頭晨夕宮中棲吳王別殿  
繞江水後宮不開美人死

武元衡

對送盧起居

相如擁傳有光輝何事闌干淚濕衣舊府東山  
餘妓在重將歌舞送君歸

汴州聞角

何處金笳月裡悲悠悠遠客夢先知單于城上  
關山曲今日中原總解吹

楊巨源

聽李鴻心彈箏篴

聽奏繁絃玉殿清風傳曲度禁林明君王聽樂



梨園緩翻到雲門第幾聲

觀妓人入道

荀令歌鐘北里亭翠娥紅粉散雲屏舞衣施盡  
餘音在今日花前學誦經

張仲素

秋閨詩

碧窻斜日謁深輝愁聽寒螿淚濕衣夢裡分明  
見關塞不知何路向金微

權德輿

贈天竺二靈隱二寺主

石路泉流兩寺分尋常鐘磬隔山聞山僧半在  
中峰住共占清猿與白雲

李涉

竹枝詞

石壁千重樹萬重白雲斜掩碧芙蓉昭君溪上  
年年月獨自嬋娟色最濃

楊柳枝

錦江池上柳垂橋風引蟬聲送寂寥不必如絲



千萬縷只禁離恨兩三條

從秦城回再題武關

遠別秦城萬里遊亂山高下入商州關門不鎖  
寒溪水一夜潺湲送客愁

顧雲

楊柳枝

灞岸晴來送別頻相偎相倚不勝春自家飛絮  
猶無定爭把長條絆得人

竇鞏

宮人斜

離宮路遠北原斜生死深恩不到家雲雨今歸  
何處去黃鸝飛上海棠花

襄陽寒食寄宇文籍

烟水初銷見萬家東風吹柳萬條斜大隄欲上  
誰相伴馬踏春泥半是花

劉言史

樂府

花額紅鬃一向偏綠槐香陌欲朝天仍嫌衆裡



驕行疾傍鞚深藏白玉鞭  
雍裕之

宮人斜

幾多紅粉委黃泥野鳥如歌又似啼  
應有春魂化爲燕年年飛入未央棲

元稹

憶事

夜深閒到戟門邊却繞行廊又獨眠  
明月滿庭池水綠桐花垂在繡簾前

白居易

竹枝詞二首

瞿塘峽口冷烟低白帝城頭月向西  
唱到竹枝聲咽處寒猿啼鳥一時啼

其二

江畔誰人唱竹枝前聲斷緩後聲遲  
怪來調苦緣詞苦多是通州司馬詩

楊柳枝四首

紅板江橋青酒旗館娃宮暖日斜時  
可憐雨歇



東風定萬樹千條各自垂

其二

葉含濃露如啼眼  
枝嫋輕風似舞腰  
小樹不禁攀折苦  
乞君留取兩三條

其三

蘇州楊柳任君誇  
更有錢塘勝館娃  
若解多情尋小小  
綠楊深處是蘇家

其四

人言柳葉似愁眉  
更有愁腸似柳絲  
柳絲挽斷腸牽斷  
彼此應無續得時

離別難

綠楊陌上送行人  
馬去車回一望塵  
不覺別時紅淚盡  
歸來無可更霑巾

采蓮子

菱葉縈波荷颭風  
荷花深處小船通  
逢郎欲語低頭笑  
碧玉搔頭落水中

孟郊

臨池曲



池上春蒲葉如帶紫菱成角蓮子大羅裙蟬鬢  
倚迎風雙雙伯勞飛向東

李賀

蝴蝶舞

楊花撲帳春雲執龜甲屏風醉眼纈東家蝴蝶  
西家飛白騎少年今日歸

顧非熊

瓜州送朱萬言

渡頭風晚葉飛頻君去還吳我入秦雙淚到家  
猶未斷不堪仍送故鄉人

朱餘慶

閨意上張水部

洞房昨夜停紅燭待曉堂前拜舅姑妝罷低聲  
問夫婿画眉深淺入時無

採蓮子

隔烟花草遠濛濛恨個來時路不同正是停橈  
相遇處鴛鴦飛去急流中

賈島



友人婚楊氏催妝

不知今夕是何夕，催促陽臺近鏡臺。  
誰道芙蓉水中種，青銅鏡裏一枝開。

情采編卷三十四終

情采編卷三十五

甬東屠本峻彙輯

七言絕句五 晚唐上

李商隱

柳

曾逐東風拂舞筵，樂遊春苑斷腸天。  
如何肯到清秋日，已帶斜陽又帶蟬。

公子

外戚封侯自有恩，平明通籍九華門。  
金唐公主



年應小二十君王未許婚

七夕

鸞扇斜分鳳幄開，星橋橫過鵲飛迴。爭將世上無期別，換得年年一度來。

望喜驛別嘉陵江水

嘉陵江水此東流，望喜樓中憶閬州。若到閬州還赴海，閬州應更有高樓。

贈字文中丞

欲構中天正急材，自緣烟水戀平臺。人間只有

稽延祖，最望山公啓事來。

代應

本來銀漢是紅牆，隔得盧家白玉堂。誰與王昌報消息，盡知三十六鴛鴦。

離亭賦得折楊柳

含烟惹霧每依依，萬緒千條拂落暉。爲報行人休盡折，半留相送半迎歸。

過鄭文舊居

宋玉平生恨有餘，遠循三楚吊三閭。可憐留著



臨江宅異代應教庾信居

莫愁

雪中梅下與誰期  
梅雪相無一萬枝  
若是石城無艇子  
莫愁還是有愁時

宮辭

君恩如水向東流  
得寵憂移失寵愁  
莫向尊前奏花落  
涼風只在殿西頭

代贈

樓上黃昏欲望休  
玉梯橫絕月中鉤  
芭蕉不展

丁香結  
同向春風各自愁

板橋曉別

迴望高城落曉河  
長亭窻戶壓微波  
水仙欲上鯉魚去  
一夜芙蓉紅淚多

有感

非關宋玉有微辭  
却是襄王夢覺遲  
一自高唐賦成後  
楚天雲雨盡堪疑

過楚宮

巫峽迢迢舊楚宮  
至今雲雨暗丹楓  
微生盡戀



人間樂只有襄王憶夢中

漢宮詞

青雀西飛竟未回  
君王長在集靈臺  
侍臣最有相如渴  
不賜金莖露一杯

蝶二首

長眉画了繡簾開  
碧玉行收白玉臺  
爲問翠釵釵上鳳  
不知香頸爲誰迴

其二

壽陽公主嫁時妝  
八字宮眉捧額黃  
見我佯羞頻照影  
不知身屬冶遊郎

霜月

初聞征雁已無蟬  
百尺樓南水接天  
青女素娥俱耐冷  
月中霜裡鬪嬋娟

華山題王母祠

蓮華峰下鎖雕梁  
此去瑤池地共長  
好爲麻姑到東海  
勸栽黃竹莫栽桑

夜雨寄北

君問歸期未有期  
巴山夜雨漲秋池  
何當共剪



西窗燭却話巴山夜雨時

宿駱氏亭寄懷崔雍崔衮

竹塢無塵水檻清  
相思迢遞隔重城  
秋陰不散  
霜飛晚  
留得枯桐聽雨聲

贈歌妓

白日相思不柰何  
嚴城清夜斷經過  
只知解道  
春來瘦  
不道春來獨自多

寄令狐郎中

嵩雲秦樹久離居  
雙鯉迢迢一紙書  
休問梁園  
舊賓客  
茂陵秋雨病相知

春日

欲入盧家白玉堂  
新春催破舞衣裳  
蝶銜花蕊  
蜂銜粉  
共助青樓一日忙

嫦娥

雲母屏風燭影深  
長河漸落曉星沉  
嫦娥應悔  
偷靈藥  
碧海青天夜夜心

槿花

風露淒淒秋影繁  
可憐榮落在朝昏  
未央宮裡



三千女但保紅顏莫保恩

送王十三校書分司

多少分曹掌祕文  
洛陽花雪夢隨君  
定知何遜緣聯句  
每到城東憶范雲

寄懷韓同年時韓住蕭洞

龍山晴雪鳳樓霞  
洞裏迷人有幾家  
我爲傷春心自醉  
不勞君勸石榴花

正月十五夜聞京有燈恨不得觀

月色燈光滿帝都  
香車寶輦隘通衢  
身閒不覩中興盛  
羞逐鄉人賽紫姑

偶題

小亭閒眠微醉消  
小榴海柏枝相交  
水文筆上琥珀枕  
傍有墜釵雙翠翹

月

過水穿樓觸處明  
藏人帶樹遠含清  
初生欲缺虛惆悵  
未必圓時即有情

姚合

楊柳枝二首



二月楊花觸處飛悠悠漠漠自東西謝家詠雪  
徒相比吹落人前便作泥

其二

江亭楊柳折還垂日照深紅幾樹絲見說隋隄  
枯已盡年年行客怪春遲

杜牧

金谷園

繁華事散逐香塵流水無情草自春日暮東風  
怨啼鳥落花猶似墮樓人

洛陽秋夕

泠泠寒水帶霜風更在天橋夜景中清禁漏閒  
烟樹寂月輪移在上陽宮

宮怨

監宮引出暫開門隨例趨朝不是恩銀鑰却收  
金鎖合月明花落又黃昏

趙嘏

落第寄沈詢

穿楊力盡獨無功華髮相期一夜中別到江頭



舊吟處爲將雙淚問春風

淮南丞相座贈歌者虞姁

綺筵無處避梁塵  
虞姁清歌白日新  
來值渚亭花欲盡  
一聲留得滿城春

東亭柳

拂水斜烟一萬條  
幾隨春色醉河橋  
不知別後誰攀折  
猶自風流勝舞腰

溫庭筠

楊柳枝四首

蘇小門前柳萬條  
毵毵金線拂平橋  
黃鶯不語東風起  
深閉朱門伴舞腰

其二

館娃宫外鄴城西  
遠映征帆近拂隄  
繫得王孫歸意切  
不關芳草綠萋萋

其三

御柳如絲映九重  
鳳凰窻映繡芙蓉  
景陽樓畔千條路  
一面新妝待曉風

其四

宜春



宜春苑外最長條，閒裊春風伴舞腰。正是玉人腸絕處，一渠春水赤欄橋。

南歌子

一尺深紅勝麴塵，天生舊物不如新。合懽桃核終堪恨，裡許元來別有人。

陳陶

隴西行

誓掃匈奴不顧身，五千貂錦喪胡塵。可憐無定河邊骨，猶是春閨夢裡人。

雍陶

城西訪友人

澧水橋邊小路斜，日高猶未到君家。村原門巷多相似，處處春風枳殼花。

薛能

楊柳枝七首

狂似纖腰嫩勝綿，自多情態竟誰憐。潯人不折還堪恨，拋向橋邊與路邊。

其二



西陵高樹後庭根處處尋芳有折痕終憶舊游  
桃葉舍一株斜映竹籬門

其三

高出軍營遠映橋賊兵曾砍火曾燒風流性在  
終難改依舊春來萬萬條

其四

枝鬪纖腰葉鬪眉春來無處不成絲灞陵原上  
多離別少有長條拂地垂

其五

華清高樹出離宮南陌柔條帶暖風誰見輕陰  
是良夜瀑泉聲畔月明中

其六

衆木猶寒獨早青御溝橋畔曲江亭陶家舊日  
應如此一院春條綠繞廳

其七

暖梳簪柔事登樓因桂垂楊立地愁牽斷綠絲  
攀不得半空懸着玉搔頭

孟遲



閨情

山上有山歸不得  
湘江暮雨鷓鴣飛  
靡蕪亦是王孫草  
莫送春香入客衣

段成式

楊柳枝三首

陌上河邊千萬枝  
怕寒愁雨盡低垂  
黃金穗短人多折  
已恨東風不展眉

其二

玉樓烟薄不勝芳  
金屋寒輕翠帶長  
公子舞裙輕  
往何處綠陰堪繫紫游韉

其三

隋家隄上已成塵  
漢將營邊不復春  
只向江南并塞北  
酒旗相伴惹行人

崔道融

楊柳枝

霧撚烟搓一索春  
年年長似染來新  
應湏喚作風流線  
繫得東西南北人

裴夷直



楊柳枝

已作綠絲籠曉日，又成飛絮撲晴波。隋家不合栽楊柳，長遣行人春恨多。

韓琮

暮春灑水送別

綠暗紅稀出鳳城，暮雲宮闕古今情。行人莫聽宮前水流盡，年光是此聲。

司馬禮

宮怨

柳色參差掩畫樓，曉鶯啼送滿宮秋。年年花落無人見，空逐春泉出御溝。

劉駕

長門怨

御泉長遶鳳凰樓，只是恩波別處流。閒揲舞衣歸未得，夜來砧杵六宮秋。

情采編卷三十五終



青采編卷三十五終

滄海無波又非其平六言太

漸泉莫鼓鳳凰對只長恩如限漢武開封義文

身同也

宮籟

無人只空夜春泉出時

漸泉莫鼓鳳凰對只長恩如限漢武開封義文

情采編卷三十六

甬東屠本峻彙輯

七言絕句六 晚唐下

李頻

寄曹鄴

終南山是枕前雲禁鼓無因曉夜聞朝客秋來  
不朝日曲江兩岸去尋君

春日旅舍

未識東西南北路青春白日坐銷難如何一別



故園後五度花開五處看

過長江傷賈島

忽從一宦遠流離無罪無人子細知到得長江  
聞杜宇想君魂魄也相隨

唐彦謙

曲江春望

杏艷桃嬌奪晚霞樂遊無廟有年華漢朝冠蓋  
皆陵墓十里宜春下苑花

張喬

宿洛都門

山川馬上度邊禽一宿都門永夜吟客路不歸  
秋又晚西風吹下洛陽砧

寄山僧

大道本來無所染白雲那得有心期遠公獨刻  
蓮花漏猶向青山禮六時

孫魴

楊柳枝二首

靈和風暖太昌春舞線搖絲向昔人何似晚來



江雨後一行如畫隔遙津

其二

春來綠樹遍天涯未見垂楊未可誇  
晴日萬株烟一陣閒坊兼是莫愁家

司空圖

楊柳枝四首

池邊水動散鴛鴦更引微風亂繡床  
直待玉窻人不起始應金雁得成行

其二

絮若輕枝雪未飄小溪烟束帶危橋  
隣家女伴頻攀折不覺回身眉翠翹

其三

稻畦分影向江村憔悴經霜只半存  
昨日流鶯今不見亂螢飛出照黃昏

其四

偶然樓上捲珠簾往往長  
拂枕函恰值小娥初學舞擬偷金縷押春衫

崔魯



華清宮

草遮回磴絕鳴鑾，雲樹深深碧殿寒。明月自來  
還自去，更無人倚玉闌干。

章碣

東都望幸

懶修珠翠上高臺，眉目連娟恨不開。縱使東巡  
也無益，君王自領美人來。

韋莊

金陵圖

江雨霏霏江草齊，六朝如夢鳥空啼。無情最是  
臺城柳，依舊烟籠十里隄。

韓偓

宮詞

繡屏斜立正銷魂，侍女移燈掩殿門。燕子不歸  
花着雨，春風應自怨黃昏。

江為

塞下

萬里黃雲凍不飛，磧烟烽火夜深微。胡兒移帳



寒笳絕雪路時聞探馬歸

牛嶠

楊柳枝四首

解凍風來末上青  
解垂羅袖拜卿卿  
無端裊娜臨官路  
舞送行人過一生

其二

吳王宮裡色偏深  
一簇纖條萬縷金  
不憤錢塘蘇小小  
引郎松下結同心

其三

橋北橋南千萬條  
恨伊張緒不相饒  
金羈白馬臨風望  
認得張家靜婉腰

其四

狂雪隨風撲馬飛  
惹烟無力被春欺  
莫交移入靈和殿  
宮女三千又妒伊

李建勳

宮詞

宮門長閉舞衣閒  
略識君王鬢便斑  
却羨落花春不管  
御溝流得到人間



張泌

寄人

別夢依依到謝家，小廊迴合曲闌斜。多情只有春庭月，猶爲情人照落花。

成文幹

楊柳枝三首

輕籠小徑近誰家，玉馬追風翠影斜。愛把長條惱公子，惹他頭上海棠花。

其二

鶯黃剪出小花鈿，綴上芳枝色轉鮮。飲散無人收拾得，月明階下伴鞦韆。

其三

殘照林梢裊數枝，能招醉客上金隄。馬驕如練纓如火，瑟瑟陰中步步嘶。

皇甫松

浪淘沙二首

灘頭細草接疎林，浪惡層船半欲沉。宿鷺驚鷗非舊浦，去年沙嘴是江心。



其二

蠻歌苒苒北人愁  
蒲雨杉風野艇秋  
浪起鷓鴣眠不得  
寒沙細細入江流

採蓮子二首

菡萏香連十頃陂  
小姑貪戲採蓮遲  
晚來弄水船頭濕  
更脫紅裙裹鴨兒

其二

搖動湖光灩灩秋  
貪看年少信船流  
無端隔水拋蓮子  
遙被人知半日羞

孫光憲

楊柳枝

閭門風暖落花乾  
飛遍江城雪不寒  
獨有晚來臨水驛  
閒人多凭赤闌干

王烈

塞上曲

孤城夕對戍樓閒  
迴合青冥萬仞山  
明鏡不須生白髮  
風沙自解老紅顏

李中

悲



李贈別

行杯酌罷歌聲歇。不覺前汀月又生。自是離人魂易斷。落花芳草本無情。

裴交泰

長門怨

自閉長門經幾秋。羅衣濕盡淚還流。一種蛾眉明月夜。南宮歌管北宮愁。

盧弼

和李秀才邊庭春怨

春衣昨夜到榆關。故國烟花想已殘。小婦不知歸未得。朝朝應上望夫山。

夏怨

盧龍塞外草初肥。乳雁平蕪曉不飛。鄉國近來音信斷。至今猶自着寒衣。

秋怨

八月霜飛柳遍黃。蓬根吹斷雁南翔。隴頭流水關山月。泣向龍堆望故鄉。

冬怨



朔風吹雪透刀瘢，飲馬長城窟更寒。  
半夜火來知有敵，一時齊保賀蘭山。

皎然

長門怨

春風日日閉長門，搖蕩春心似夢魂。  
若遣花開只笑妾，不知桃李自無言。

銅雀妓

強開尊酒向陵看，憶得君王舊日歡。  
不覺餘歌悲自斷，非關艷曲轉聲難。

齊已

楊柳枝

鳳樓高映綠陰陰，疑重多含雨露深。  
莫謂一枝柔軟力，幾曾牽破別離心。

梅妃

唐明皇妃也為楊貴妃所妬別居西宮

謝賜珍珠

柳葉雙眉久不描，殘妝和淚污紅綃。  
長門盡日無梳洗，何必珍珠與寂寥。

關盼盼



燕子樓

樓上殘燈伴曉霜。獨眠人起合歡床。相思一夜情多少。地角天涯未是長。

其二

北邙松柏鎖愁烟。燕子樓中思悄然。自埋劍履歌塵散。紅歇香銷一十年。

杜羔妻趙氏

寄杜羔下第

良人的的有奇才。何事年年被放回。如今妾面

羞君面。君若來時傍夜來。

聞杜羔得第

長安此去無多地。鬱鬱蔥蔥佳氣浮。郎君得意正年少。今夜醉眠何處樓。

薛濤

題竹郎廟

竹郎廟前多古木。夕陽沉沉山更綠。何處江村有笛聲。笛聲盡是迎郎曲。

武昌妓



楊柳枝

悲莫悲兮生別離。登山臨水送將歸。武昌無限  
新栽柳。不見楊花撲面飛。

花蕊夫人

宮詞

梨園弟子簇池頭。小樂携來候燕遊。試夾銀箏  
先按拍。海棠花下合梁州。

劉媛

長門怨

雨滴梧桐秋夜長。愁心和雨到昭陽。淚痕不與  
君恩斷。拭却千行更萬行。

裴誠

楊柳枝

思量大是惡姻緣。只得相看不得憐。願作琵琶  
槽那畔。美人長抱在胸前。

魚玄機

楊柳枝

朝朝送別泣花鈿。折盡春風楊柳烟。願得西山



無樹木免教人作淚懸懸

江行

大江橫挹武昌斜，鸚鵡洲前萬戶家。  
回舸春眠朝未穩，夢爲蝴蝶也尋花。

無名氏

楊柳枝二首

朝朝車馬如蓬轉，處處江山待客歸。  
若使人間少離別，楊花應合過春飛。

其二

萬里長江一帶開，岸邊楊柳是誰栽。  
錦帆落盡西風起，惆悵龍舟更不回。

三臺詞

雁門關上雁初飛，馬邑關中馬正肥。  
日旰山西逢驛使，殷勤南北送征衣。

小秦王二首

柳條金嫩不勝鴉，青粉牆頭道韞家。  
燕子不來春寂寞，小窗和雨夢梨花。

其二



十指織玉筍紅。雁行輕度翠絃中。分明自說  
長城尹。水咽雲寒一夜風。



清采編三十六卷





書